

# Te mahere ā-rohe o Aotea / Great Barrier 2020

He aronga poto i tā mātou mahere



## Mihi

Ko Aotea te taonga motuhake o te moana nui a Toi.  
Ko Aotea toku turangawaewae.  
Ko Aotea te moutere rongonui  
Ko Hirakimata te maunga tapu  
Ko te moana nui a Toi te moana  
Ko te Tuatara, te Mauri, rātou ko te Tukaiaia ngā kaitiaki  
Ko Motairehe rāua ko Kawa nga marae  
Ko Aotea te kāinga o ngā uri o Ngāti Rehua Ngāti Wai ki Aotea

Anei te whenua e manaakitia tātou. E whakapiritia tātou. E whakaoratia tātou.  
Te waahi o ngā taonga maha, ngā taonga tapu, ngā taonga matahīapo.  
Na ngā whetū e kanapu ki te rangi ki ngā aitenga a punga e kōhimuhimu ana ki ngā ngahere.  
Ko Aotea te taonga motuhake o te moana nui a Toi.  
Ko Aotea toku tūrangawaewae.

Ko Te Ringa o te Uira te kaituhi

Kei tēnei puka te whakarāpopotohangā o te Mahere Poari ā-Rohe. Toro atu ki te paetukutuku o Te Kaunihera o Tāmaki Makaurau,  
[www.aucklandcouncil.govt.nz](http://www.aucklandcouncil.govt.nz) mō te roanga ake o te mahere.

## He kōrero nō te Heamana

I a mātou e waihanga ana i tēnei mahere poari ā-rohe, i turakina te ao e te urutā MATE-KORONA, kātahi ka noho taratahi ai te motu. Ki konei, ki Aotea, i whakakorehia ngā kaupapa hui tūmatanui me ngā hui e pā ana ki te mahere nei. Ki tēnei motu, i noho ngā tāngata katoa ki ō rātou miru taratahi.

I huri ai ngā tukanga whakahaere. Ka oho ake te Rōpū Whakautu Ohotata o te hapori. I katia ngā papa rererangi, i manaakihiā ngā tāngata, i whakaritehia ngā utanga, i whakakotahi mai tātou - ā-umanga nei, ā-hapori nei.

I kitea ngā pūkenga o te motu: tō tātou tere ki te whakarite me te mahi tahi; te kaha o ngā umanga me te kaha o ngā herenga ki te tuawhenua. Heoi, i kitea hoki ngā ngoikoretanga: ngā raru utanga, te ngoikore o ngā herenga ipurangi, te rohenga moana me te whakahirahira o ngā tūruhi ki te ohaoha ā-rohe.

Te āhua nei ka rerekē te whakahaere i ngā kaupapa whai muri i te urutā, he paheketanga ohaoha e matapaehia ana, he torutoru ngā tūruhi, te mahi ā-ipurangi, te hoko ā-ipurangi me te arotahi ki ngā kaupapa ā-rohe.

Ka iti ake te pūtea ka whiwhia, ka iti ake te pūtea ka whakapaua. Ka aro pū mātou ki ngā mahi whakahirahira noa iho mō ngā tau kei mua i te aroaro.

He raru āhuarangi ohotata kua tau mai. Me whāwhai tātou ki te whakangāwari i ngā taumahatanga ki te taiao - me whakaheke i te hauhā e puhaina e tēnā, e tēnā, me huri ki te hapori para-kore, me rokiroki kai me te wai, ā, me aukati i te ngahoro whenua tai.

He whakahirahira rawa atu te Tīkapa Moana o Hauraki; koia tō tātou taiao, koia hoki e manapou ana i a tātou. Me manaaki tātou, me whakaora tātou, me mutu tō tātou tuku para ki a ia.

I tuhia tēnei paori ā-rohe hei rautaki e aro pū ana ki ngā taumahatanga e haere ake nei i ngā tau kei mua i te aroaro. I ruia te taitea kia tū te whāinga kotahi - 'whakakahatia te motu' Me āta whakapau moni, heoi, kia kaua tātou e wareware ki ngā wawata o te hapori i mua i te MATE-KORONA.

Ngā mihi ki a koutou katoa i whai wā ki kōrero mai, ki te tuku kōrero mai hoki. I whai wāhi nunui ai ō kōrero ki te mahere whakahaere mō te moutere i ngā toru tau kei mua i te aroaro.

Ngā mihi,



Izzy Fordham

Heamana, Aotea / Great Barrier Local Board

# **He whakarāpopotohangā o ngā kaupapa matua o te mahere**

## **Whakaotinga: Ko te tino hia hia ki a manawaroa to tatou motu**

He aha te mea nui ki te motu o Aotea? He moana, he whenua, he rangi, he tangata

### ***Tō tātou hapori***

Kei te hiahia mātou i te āpōpō e mana nui ai te mana whenua o Aotea, Ngāti Rehua, Ngātiwai ki Aotea. He āpōpō e whakatinanahia ana ngā wawata, e mārō ana ngā herenga tangata, e rere ana ngā whakawhitina kōrero; he hapori aumangea e rite ana, e mataara ana ki ngā taumahatanga o te raru āhuarangi me ngā ohotata pēnei i te urutā; he wāhi e whai mana, e kaha ana, e motuhake ana ngā rōpū hapori; he wāhi e whai tonu ana ngā tāngata e mahi ana ki ngā pakihī me ngā ohu pāpori nā runga i te moruki o ngā kaimahi; he motu e rawe ana hei wāhi noho, he motu toitū mō te hunga hararei.

### ***Te whenua***

E hiahia ana mātou i te āpōpō e mahi tahi ai tātou hei hapori ki te whakakore i ngā riha; e rokirokihia ana te kai me te wai, he kaha te whakaruruhau i ngā raru āhaurangi; he wāhi e tiaki ana i te kōhauhau, e whakanui ana i te rangi pō; he wāhi e whakatauira atu ana i te parakore me te whakamahinga waro iti noa; he motu e mā ana ngā manga, e tiakina ana ngā wai mōana me ngā koiora o roto.

### ***Ngā Hanganga***

E hiahia ana mātou i te āpōpō e whakamahia nuitia ana ō tātou wāpu me ō tātou papa rererangi kia ea ai ō tātou wawata; e kaha ana te rere o te ipurangi; he wāhi e papatautia ana, e tiakina ana, e marutau ana ngā rori; he wāhi e honotia ana ngā ara hīkoi ki ngā wāhi o te tāone, e taea e ngā ika te hūnukunuku; he motu e māmā ana ki te pūkoro ngā whare mō te katoa.

## Whakarāpopotohangā o ngā take pūtea

Ngā whiwhinga pūtea, whakapaunga pūtea, whakapaunga pūtea haumi o te Poari ā-Rohe o Aotea mai i te 1 Hōngongoi 2020 ki te 30 Pipiri 2021.

Rārangi Tahua Pūtea ā-Tau	2020/21 (\$000)
<b>Whiwhinga moni i ngā mahi whakahaere</b>	
Ratonga haporī ā-rohe	5
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
<b>Tataunga whiwhinga moni i ngā mahi whakahaere</b>	<b>2</b>
<b>Whakapaunga moni ki ngā mahi whakahaere</b>	
Ratonga haporī ā-rohe	2094
Whakarautaki ā-rohe me ngā mahi whakawhanake	
Ratonga taiao ā-rohe	200
Mahi kāwana ā-rohe	1185
<b>Tataunga whakapaunga moni ki ngā mahi whakahaere</b>	<b>3,479</b>
<b>More whakapaunga moni ki ngā mahi whakahaere</b>	<b>3,474</b>
<b>Whakapaunga pūtea tōpū</b>	
Ratonga haporī ā-rohe	351
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
<b>Tataunga whakapaunga pūtea tōpū</b>	<b>351</b>

## **Ngā Mema o te Poari ā-Rohe o Aotea**

	<b>Ngā taipitopito hei toro atu ki ngā mema</b>
	<b>Izzy Fordham – Heamana</b> Waea: 021 286 7555 <a href="mailto:izzy.fordham@aucklandcouncil.govt.nz">izzy.fordham@aucklandcouncil.govt.nz</a>
	<b>Luke Coles – Heamana Tuarua</b> Waea: 022 041 7891 <a href="mailto:luke.coles@aucklandcouncil.govt.nz">luke.coles@aucklandcouncil.govt.nz</a>
	<b>Sue Daly</b> Waea: 021 286 8811 <a href="mailto:susan.daly@aucklandcouncil.govt.nz">susan.daly@aucklandcouncil.govt.nz</a>
	<b>Patrick O'Shea</b> Waea: 021 352 128 <a href="mailto:patrick.oshea@aucklandcouncil.govt.nz">patrick.oshea@aucklandcouncil.govt.nz</a>
	<b>Valmaine Toki</b> Waea: 021 190 6352 <a href="mailto:valmaine.toki@aucklandcouncil.govt.nz">valmaine.toki@aucklandcouncil.govt.nz</a>



---

© 2020 Auckland Council  
Auckland Council, Aotea / Great Barrier Local Board

ISSN 2253-1033 (Print)  
ISSN 2230-6668 (PDF)

Auckland Council disclaims any liability whatsoever in connection with any action taken  
in reliance of this document for any error, deficiency, flaw or omission contained in it.